

# Umsögn um breytingu á lögum um stjórn fiskveiða

## (Veiðistjórn grásleppuveiða)

Með því að setja grásleppu í aflamark er hægt að stunda veiðarnar á mun hagkvæmari og ábyrgari hátt en nú er. Það fyrirkomulag sem hefur verið gengur ekki lengur upp.

Menn hafa haft áhyggjur á samþjöppun með kvótasetningu, ég blæs á þær áhyggjur, alveg eins má kalla það samþjöppun í núverandi kerfi þar sem hægt er að eiga eins mörg leyfi og hægt er, og uppi er krafa um sameiningu leyfa.

Þegar menn vita hvaða afla má veiða hjá hverri útgerð þá býrðu til mestu verðmætin.

Með hlutdeildarsetningu gætu menn stundað veiðarnar eins og gert er á þorskanetum þar sem menn sníða sér stakk eftir vexti og eru með þann netafjölda (**með takmörkunum þó**) sem þörf er á miðað við sitt aflamark og mun því netum fækka í heild í sjó miðað við það sem nú er.

Ef takmarkaður dagafjöldi er eins og núverandi kerfi er uppbyggt þá freistast menn til að leggja hámarksnetafjölda sem leyfilegur er. Einnig mun hlutdeildarsetning koma í veg fyrir að menn leggi net fyrir brælu til þess að nýta alla dagana í einhverju kapphlaupi eða geta alls ekki tekið þau upp vegna hættu á skerðingu daga.

Meðafli og brotkast myndi minnka til muna við hlutdeildarsetningu og þau rök sem ég hef fyrir því er að þá geta menn tekið upp net vegna bræluspar eða þá tímabundin óhagstæðan meðafli, og geta hagað sínum veiðum á sem ábyrgastan hátt án þess að verða skertir um daga.

Ég skora því á alþingi að setja grásleppu í aflamark eins og aðrar tegundir, það mun aldrei skapast friður um þessar veiðar ef það er ekki gert, bæði frá hlið veiðimanna og umhverfissinna sem hamast nú við að stoppa þessar veiðar eins og þær eru stundaðar í dag. Ég vil líka benda á að við hlutdeildarsetningu er hægt að hafa áfram svæðaskiptingu, tiltekinn byrjunartíma á hverju svæði, lengd veiðitímabils og hámarks netafjölda ef vilji er fyrir því.

Bestu kveðjur,

Einar E. Sigurðsson Raufarhöfn

(Undirritaður hefur stundað grásleppuveiðar frá 1988)